

序

古之作志者必明天人之
理窮陰陽之祕考政事之
得失辨學術之異同以及
古今制度之異宜四方風
土之殊俗噐數聲音之末

鳥獸蟲魚之細金石文字
之孝無不廣博洽聞庶足
以信今傳後然而難言之
矣聞道者專務明理以文
字為糟粕逞詞者出淵墜
雲又以其一得管見沈洋

自恣逃之空虛撫實之士
但取漁獵聞詭驚聽觀綺
躍心其不與弇鄙同譏者
幾希澗池為古韓地西阻
教山東扼缺門北帶黃河
南崎熊百誠中州形勝之

區也哉顧自周秦兩漢以
造於明察二數千百年典
藉無徵書闕有間矣前令
張君於荒墜散失之餘不
惜網羅哀輯以成一邑之
書鄧梁二君相繼重修綱

舉目張犁然燦然厥功不
亦偉乎余學製錦於斯已
歷四載莅任之始官民不
相習謹遞犯之差而民不
從均餉鞘之車而民不從
革土商之役而民又不從

幸賴 各憲廉明周詳誥
誠使之祇懼遵循閱時既
久咸諒此心之無佗曷嚮
風而幕義予得與父老子
弟熙二然如左一室也公
餘之暇登盟臺而思忠桀

飾魁樓而啓科名溯道學
於曹張辨源汭於澠穀間
或旁搜古刻徧訪遺聞撫
覽舊志不無缺略之憾焉
况今距梁君修志之曰已
六十餘歲矣其間民物風

俗官師政教興廢損益者
不一而足也爰捐奉與邑
人士同修之予自維學殖
譾陋奔走風塵者十數年
茲則薄書期會朝夕靡寧
且西鄙山城無吳兢杜信

李泚宋緩晁子止陳振孫
之徒藏書萬卷足供考證
曷敢妄言著述惟以目之
所見有之所聞並邑人士
之所見所聞丐舊志可因
者因可補者補開雕於夏

四月告成於冬十月非敢
言志聊為大輅之推輪云
爾若夫美教化重農桑興
利除害勸善徵惡變瘠貧
為富庶躋黔黎於仁壽用
以刪訂纂修黼黻

承平是在後之宰斯邑者
嘉慶十有五年歲在庚午
什建亥之月朔日壬午知
澠池縣事崇仁甘揚聲撰
并書

舊志序康熙九年

鄧琪茶

國家之所重者文獻也天子總其權於上則文獻彙於京師良牧修其職於下則文獻盛於都邑顧今日之獻有薦舉有制科有歲貢凡文行之卓卓者銓衡盡得而知之若夫三歲上計非闕有司之考績例不以進是今日之文未必不遜於古也所幸為民牧者舉一時之聞見踵當日之成書類而輯之罔有散失異時遷固之流裒成國史將於是乎取材焉則邑志之為文甚重矣灑屬豫州地瘠民貧然而表裏山河介於秦晉為天下所必爭其分野形勝秀

甲中原奇人傑士更僕難數者皆載於邑志前令古燕張君環遵中丞命掇拾餘燼採遺編雖未克備燦然可觀矣數年以來更置非一學宮建於東南隅者今則鼎新於西矣文昌閣建於東門樓聚魁樓建於東南城者今則並構於南城之上矣他如官師相代節義有聞修築以時興民賦以漸復彌縫匡救務盡鞠謀不為剗剔以垂後苟有按圖書而考沿革者其亦無自而求矣余縻於茲凡五年所蓄者成人靡不延訪而敦禮焉以云獻也是則邑志之為文者又烏可以忽乎哉所以不揣荒陋而重為修之也

舊志序康熙九年

部調鼎

聞人以地重地尤以重重人地交重必有藉於表章登記者而後勝事傳而弗墜澠雖巖邑其山川形勝土風物產之奇有足紀者其人士亦頗有廉悍魁杰道上清真之輩即不敢云秀甲中原而方軌三河比肩秦晉者顧可令其簡策無考闕而不揚哉邑舊有志止於順治戊戌迄今十有二年餘瘡痍已起民氣漸復其間營建創遷賦役增益人文事物之垂賢哲節烈之行曩徽既著後美弗彰亦屬闕典清湘鄧公涖澠五載政成人和百度具舉於是披壤

地之往跡弔人物之芳踪以其暇日表章登記為澗池邑
志進邑之弟子員韓斗瞻賀聖朝李江長輩相與參諸史
傳圖志商確考核信者因之疑者缺之訛者正之未備者
補之時有可採者續之凡閱三月裒集成篇俾鼎數言為
弁鼎惟志者叙事之書也古之善叙事者如化工肖物山
川形勝土風物產之奇悉還天地自然之位置而人之廉
悍者魁杰者道上清真者亦皆核之殘篇斷簡采之鄉評
輿論而不盡據士大夫之汗青子不得私諸其父孫不得
私諸其祖弟不得私諸其兄斯為千秋之實錄夫公之於

澗池既以襲黃之真心照育之又以

直

信之

令澗之人與地並有所附而見河山如故忽增斧藻之輝
而超軼後先遊地下伏草萊者莫不生氣於字挾風霜矣
澗之勝事傳而不墜固公之惠心德意傳而不墜也故是
舉也縣之士大夫及童叟之倫從而歌舞謳吟之不輟鼎
亦樂觀厥成遂不辭而為之敘若夫揚挖其顛末鋪張其
勝美則有我公如椽之筆在

舊志序乾隆十一年

梁易簡

按周官有縣正各掌其縣之政令春秋時列國有史官各

記其國之時事今之分邑之志乘乘皆仿古遺意也我

國家重熙累洽九道化成凡茲一方一邑農田風俗之訓
庠序學校之經靡不炳炳浪浪足備輶軒之采其在今日
而言徵文之獻殆積之久而尤盛者歟顧志之作也宜創
宜因有詳有略邑各不同則非盡由於時代之遞遷亦其
治域之廣狹為之也滎隸東周古稱易治其山川形勝人
物魁奇非不犁然可紀然而彈丸隅曲事蹟寥寥加以明
季流寇披猖漸滅殆盡前令張君環於文殘獻謝之餘網

羅散失治尊是書康熙辛亥印君其榮令龜重石墮訂巨

今七十餘稔矣其間戶口之滋生阜蕃休息

聖朝之德化霑被涵濡或節義可風或官師相代如隄渠
修築營建創遷遞沿遞革不有編纂曷以信令傳後嗚呼
官斯土者顧可因陋就簡闕焉弗講乎哉余不敏承乏三
年案牘餘閒留心掌故無時不以邑志缺略為憾用是謀
所以補輯之苟可為興復計者雖多捐廉俸實所不惜乃
苦文獻無徵以視舊志僅益其什之四非握槩者之猶有
挂漏也雖然余更有說焉夫事以時起地以人重誠欲踵
事增華何必通都大邑是編雖隘異日有著作之才猶得

出其藍本備搜討資覽觀一時學士大夫如圭之有影如
腋之成裘潤色輝光後先相待是即一邑之文獻也於以
譜續國史而上溯成周之治不難此區區之心端有望於
後之君子

重修始以

纂修

澗

池

縣

知

縣甘揚聲

叅訂

澗

池

縣

教

諭張翰儀

同較

澗

池

縣

南

村

司

巡

檢

沈守純

澗

池

縣

典

史繆開祚

採輯

龜池系志

姓氏

上

邑

舉

人劉文運

邑

廩貢前署內鄉教

諭李肯堂

邑

歲

貢楊統綱

邑

歲

貢宋莊

邑

附

貢鄒魯儒

邑

廩

生李源洙

邑

廩

生席履豐

邑

監

生李舒

邑

監

生黃文兩

邑

監

生

邑

監

生茹含章

附原修姓氏

順治十五年

纂修

澠池縣知縣張璟

同較

澠池縣教諭申申如
訓導郭輩明

採輯

邑系志

姓氏

二

邑歲貢知縣訓導韓養元 薦辟池州府同知李毓秀
薦辟撫州府推官劉驥 歲貢德興知縣徐叔雅 歲
貢吳川知縣楊翼國 進士新淦知縣董謙吉 歲貢
鄱陽知縣張有勁 歲貢裕州訓導張慎勳 歲貢襄
城縣訓導韓山瞻 舉人史彬 歲貢曹廷玠 陳正
心 郭乾修 秦邦寵 楊萃亨 董閻修 廩生趙
允辟 楊豫徵 戴國恩

康熙九年

纂修

採輯

邑歲貢韓斗瞻 賀聖朝 廩生李江長

乾隆十一年

纂修

涇池縣知縣梁易簡 訓導王建極

採輯

邑舉人劉元善 拔貢西華教諭楊崑 拔貢中牟縣

教諭古相文 歲貢鄜陵訓導李印綬 歲貢陳留訓

導方政通

例貢向德

廩生平如準

席銓

生員

韓秉忠

楊載陽

席琇

劉天成

韓鴻相

曹克

修

一舊志凡三卷所載甚略今增至十六卷分野革星野疆域山川建置學校職官選舉人物物產田賦禮俗廟祀古蹟藝文金石為十六門

一星野舊志載氏房心三宿悞入歸德府屬今據歷代天文志改正

一里甲村庄市集或今昔殊名故所載與舊志不無同異一坊表雖已毀而仍存其名不沒善也

一學校舊歸建置門今特為一門以昭尊崇之意書院義

學亦以類從焉

一舊志所載前明職官不滿二十人元宋以上又無論矣
今博採羣書及本色城鄉古石碑自漢迄明得百餘人
分別補入仍註明據某書某碑補以徵信也

一舊志職官已入名宦詞者于各名下註明祀名宦不復
另書今彙志名宦于職官之後所以風有位云

一選舉舊首薦辟今首

恩賜

曠典互古未有也

一舊志進士與舉人銜列今是補進士之舉人之貢生
除前明無從區別外

國朝貢生亦將恩拔副歲分列以便觀覽

一人物各立小傳紀姓氏下其當存本傳以備後人尚論者仍載藝文中

一舊志孝子義行分列今統曰孝義節婦烈婦統曰列女
廉頗並未至澗舊載入流寓周黨隱居澗池舊入薦辟
而不入隱逸今悉為刪正

一例不為生人立傳惟節婦奉

旨旌表及年例已符無力請

旌紳耆呈請入志者無論

存沒備登以勵風化

一壇廟之有歲祀書之以彰重典外此鄉鎮雜廟及賢人哲士生其地官司常有功德于民者雖非祀典所及而廟貌有存尸而祀之亦其宜也悉採訪纂入

一澗為東都近境往古名蹟最多今一一表識之其有載諸史籍現在無蹟可尋者亦存名備考焉

一寺觀附廟祀後陵墓附古蹟後從其類而書之省文以

藝文古今名筆苑榜有闕邑事者錄之其他詩賦題咏
邑中山川古蹟及感慨興廢者俱採訪纂入以備風雅
一志內詩文見于專集及登選者于各詩文後註明某集
某選見府志舊縣志者亦如之古碑註採訪金石惟採
近作增入者不註

一古碑採入藝文原本間有疵累或字畫模糊悉為增改
一金石自唐以上風霜摧剝消磨殆盡幸有存者悉為搜
訂宋元以後廟寺碑碣甚多擇其可傳者錄之餘于各
廟寺下註明

一城池公署津梁壇廟寺觀古蹟等項有修葺者無論官民悉志于冊以示勸

一山川古蹟名宦人物有見于史籍及通志府志者悉照原書叙入長者略為刪節參用已說則以按字別之

一是志之修始于庚午仲夏成于孟冬採輯蒐羅雖因實創與舊志較然各別茲略舉數端以見体裁至條分縷晰自具各卷中無俟瑣述

圖

繪


川

山


渭池影圖



全圖




城 舊




圖

全




新 城



圖

全

龍山縣圖



卷一

沿革

星野

疆域

山川

卷二

建置

學校書院附

卷三

職官

縣令
縣尉

縣丞
驛丞

主簿
所大史

教諭
名宦附

訓導
巡檢

卷四

選舉

恩賜
職監

薦辟
掾吏

進士
封贈附

舉人

貢生

武科

卷五

人物一

理學
仙釋

忠節

孝義

耆壽

隱逸

流寓

卷六

人物二
烈女

卷七

物產
田賦

禮俗

廟祀
寺觀附

卷八

古蹟
陵墓附

卷九

藝文
詩

卷十

藝文二 詔 疏 序 跋

卷十一

藝文三 紀

卷十二

藝文四 記

卷十三

藝文五 傳

卷十四

藝文六 傳 贊 碑 墓誌 墓表

卷十五

藝文七 銘 箴 頌 論 考 引 紀畧 紀事

卷十六

金石

沿革

唐豫州之地

虞豫州之地

夏豫州之地

商豫州之地

周東周之地春秋晉地秦伐鄭不借道于晉晉人帥師敗諸靖即此戰國韓地秦昭王趙惠王會盟於此有俱利城是時已有澠池之名

澠池縣志

卷一 沿革

秦屬三川郡

漢始置縣屬宏農郡新莽改為陝亭後漢仍屬宏農郡
曹魏徙治蠡城周地圖記曰賈逵為令時縣理蠡城屬恒

農郡

晉屬宏農郡

南宋屬宏農郡

後魏屬宏農郡孝昌三年置西新安屬宜陽郡東魏興和
中置澠池郡領北澠池俱利西新安三縣置南澠池屬

隋開皇十八年改昌洛曰洛水大業元年移于縣東二十
五里新安驛屬熊州十二年復移理大塢城義寧二年
改屬宜陽郡

唐武德初兼置穀州貞觀元年徙穀州東治二年改澠池
為天池屬河南府

五代復為澠池屬河南府

宋屬京西北路河南府

金熙宗皇統初改澠池置韶州以南村為利津縣屬焉

龜也

卷一沿革

二

元至元八年廢韶州復為澠池縣屬陝州州屬河南路

明屬河南府

國朝屬河南府

星野

晉書天文志宏農入柳一度 按爾雅昧謂之柳史記天

官書柳為鳥喙孝經章句柳天庫也一曰天厨象緯考

柳八星十四度土星也圖書編柳為三月昏星正月在

辰至十二月在卯郡國所入宿度陳卓范蠡鬼谷先生

張良諸葛亮譙周京房張衡所說略同星精賦亦云鴻

夏以酉算陽以東以河南於星宿亦以舊志屬房心三宿誤
澠之分野明矣舊志屬房心三宿誤

明史天文志柳四度至張十二度鶉火之次也河南之河南府皆柳分 按鶉首秦也鶉火周也鶉尾楚也澠于豫為周疆但據後漢郡國志自東井十度至柳八度為鶉首之次入柳九度方為鶉火之次則澠仍屬鶉首而非鶉火惟分野為柳徵之前史無異辭耳圖書編云周中土而柳星南分野之說若可疑然唐僧一行言之矣星土以精氣相屬而不存乎方隅也

疆域名義
集市

氣候

形勝

四至道里

里甲村庄

名義

禹貢注澗當作鼈俗作澗水經注洛水之北有熊

耳山山際有池世謂澗池漢景帝二年因峭澗之池以

目縣舊以澗為沔乃漢沔非峭澗也

氣候 洛居天中四氣甚正澗為洛之西鄙天氣稍寒二

月猶時有雪五月始暑六月亦不甚劇立秋則涼氣襲

人冬多三白凝地環澗皆山春秋間有冷霧偃傷苗木

高阜猶輕下濕猶甚蓋叢山積寒所致也

四至道里 縣治在府西一百六十里東至新安界鷄店
五十五里至新安縣城九十里西至陝州界七里鎮三
十五里至陝州州城一百四十里南至永寧界藕池鎮
三十里永寧縣城一百里北至山西垣曲以黃河為
界至垣曲縣城一百二十里西至陝西潼關三百四十
里東至省城五百八十里北達

京師一千九百六十里廣九十里袤一百二十里

里甲村庄

寰宇記澠池縣在府西一百五十里舊三鄉今四鄉

明洪武年間編戶為三十里嘉靖間併二十五里每里
十甲曰坊東里坊中里坊西里李西里長東里長西里
李東里高東里高西里付東里付西里城東里城西里
劉東里劉西里峪東里峪西里竹東里秦東里秦中里
秦南里伍東里伍中里南東里南西里 附舊裁五里
曰伍西里桃東里桃西里竹西里竹中里

國朝因之增半里實二十五里半更名曰

東三里 東四里 東五里

西一里 西二里 西三里 西四里 西五里

南一里 南二里 南三里 南四里 南五里

北一里 北二里 北三里 北四里 北五里

衛里領甲五

城中里一二三甲城內 四甲于溝村趙溝村 五甲

董村 六甲高嶺村孟村 七甲耿村八里寨 八甲

官庄 九甲官庄蘭溝村 十甲庄子村

城東里一二三甲東關 四甲孟嶺村 五甲喬嶺村

六甲一里河李家寨 七甲五里河村 八甲崇村

九甲高村蘇家灣村 十甲高店村

城西里一甲城內馬嶺村 二三甲西關 四甲小西

關 五甲西河南 六甲張窑村言里村 七甲鄭窑

村羊耳河村 八甲郭窑村碾耳村張窑村河西村

九甲焦園村宋村 十甲魚池頭

城南一二三甲平泉村 四甲青陽溝安溝村穆家庄

峪洞 五甲南場村 六甲秦翟 七甲楊村蘇庄

八甲果園村段村韓溝 九甲西十里鋪牛峪溝村

城北里一甲楊村溝嶺南村 二甲不召村 三甲楊

廣溝 四甲沆層村南陶麥 五甲溝堡村茹窰村蘆

鳴雁窰村 六七甲禮庄村 八九甲小寨溝裴窰村

十甲洛村

東一里一甲上石河村下石河村 二甲王禮召村蘇

禮召村 三甲山韭溝村洞口村姚禮召村 四五甲

塌泥街灣子村范灣村 六甲高嶺村 七甲西裴村

八甲東裴村 九甲二十里鋪張馬嶺 十甲上石河

滄池縣志 卷一
村郭村北馬嶺西庄村

東二里一里劉溝村付村桐樹溝村桐樹村窑村 二

甲石門村孫家村孟嶺村付村桐樹溝村 三甲窑村

謝家灣坻塢村南窑村李家庄 四五六甲張溝村

七甲楊庄崔家門庄后溝村後窰村 八甲乾澗村東

陽村槐樹嶺村 九甲坻塢村東溝村西村西溝村山

後村史家嶺西窰村台口村楊虎崖柿溝村東堂溝村

北堂溝村温家村 十甲謝灣村趙庄南坻塢村北坻

村圪攏 淤村廟西村史家溝村山峯沿西村止德村
淤村后街村趙家庄

東三里一甲義昌鎮靈官店 二甲義昌鎮靈官店白
庄 三甲頭峪溝村廟園村下磨村燕溝村 四甲三
十里舖 五甲賈村張村龍王村梁溝董溝 六七八
九甲千秋鎮 十甲正溝社窩村侯嶺閭嶺韓溝許溝
張窑坐溝董溝茹溝

東四里一甲德厚村茹家村 二甲段村沙過嶺 三
甲店子溝石盆村 四甲上庄石盆村黃花窩温村

五甲徐庄 六甲德厚村石家窑 七甲仁村 八甲
楊河張溝水魚山楊庄黑岸溝馬溝節庄裴坑柳樹坑
上庄趙窑裴家村 九甲張村東張村 十甲雪白村
葫蘆套碾盤村西塚村竹園西溝槐圪塔侯家庄河庄
檀扒村黑水泉楊山河水潭

東五里一甲吳庄營裏村溝頭村 二甲應峪洪陽
三甲靖店 四甲石窑韓家村霹靂村 五甲陳庄洪
陽村 六甲洪陽村 七甲劉村 八九十甲洪陽村

四甲南庄 五甲溝東黃花村范家凹 六七甲池庄

八甲南庄 九甲後凹南庄 十甲郭坡段村

西二里一甲路泉村 二甲土橋村後河村 三甲丁

村 四甲段村 五甲張村後溝 六甲路泉村南班

村 七甲張村 八甲陳村 九甲陳村溝西村 十

甲馬遙頭

西三里一甲段村前營小石山王坡嶺寺庄 二甲翟

延村王溝村 三甲小龍廟老虎溝牌溝村 四甲秦

村 五六七甲英豪鎮 八甲新寨村 九十甲英豪

鎮

西四里一甲寨子村南班村庵北村 二甲水磨村寨

子村 三甲俱利城姜王庄 四甲俱利城窪村 五

甲俱利城 六甲俱利城董村 七甲雍家園果坡村

八甲曲禮村 九甲曲禮村槐樹窠 十甲東曲村廣

窪村李家庄水泉窪

西五里一甲西溝村大王庄姜王庄 二甲姜王庄

三甲陸家溝 四甲河南庄 五甲姜王庄河南庄

戶 八甲下五月 九甲西北班東班 十甲
村小窰村嶺東村猪窰村九龍觀西馬村馬村槐扒桐
家窰

南一里一甲陸家平鹿寺 二甲南澗 三甲藕池鎮

四甲陳家溝全村 五甲陳溝廟后村 六甲葫蘆套

張呂村西坡頭 七甲南王村 八甲南澗庄嶺 九

甲西坡頭 十甲山韭溝龍潭溝下庄溝

南二里一甲石窰村方溝村趙窰崔園焦溝崔家溝

二甲城村徐家窰城村西溝城村南溝 三甲徐家窰

四五甲義馬村 六甲常村西南溝 七甲灣子村馬
庄城村 八甲霍村 九甲常村 十甲義馬村下河
村

南三里一甲橋店洞上村謝陽村石家庄 二三甲獨
塚 四甲謝大池荆家庄賈溝 五六甲石泉 七甲
南塢溝 八甲下馬延 九甲苜溝楊村新庄 十甲
楊村常溝

南四里一甲古家溝上河村峪口村 二甲張大池

三甲鴨地張大池 四甲竹峪村楊大池村 五甲坡

頭村 六甲堡南東天池西天池 七甲天池 八甲

東天池西天池後河村 九甲桃村 十甲徐窑方溝

宋溝

南五里一甲窑頭 二甲東富村 三甲劉壯凹村

四甲白阜鎮楊嶺正西凹荆家村荆河村荆凹 五甲

東城南 六甲西城南王度村 七甲七里平 八甲

市庄平侯庄西英豪 九甲水源

北一里一甲陶家村仰韶村 二甲劉果村梁窑村

三甲簸箕掌楊樹窠瑤坡村 四甲賀霄電村南西陽

村 五甲曹霹靂嶺頭村 六甲蘇門窪村後埕村焦

家嶺 七甲北西陽村 八甲天壇村 九甲菴子村

后澗村郭澗村

北二里一甲西川村 二甲城頭村 三甲西觀弟

四甲霹靂村 五甲上溪村 六甲過遇溝 七八甲

首蒼村 九十甲萬壽村

北三里一甲土嶺小雞頭西坡村黑馬石段村 二甲

石板村川村楊坡灣四龍廟西庄 三甲丁陽溝南庄

烟地王溝宋溝趙溝土嶺中關 四甲東庄溝 五甲

甲柳窩村鶯嘴村后坡 七甲金帶溝伏虎村安溝南
鉤窩黃連樹村黃路坡老牛窩村 八甲山頭村吉家
山伏虎河村松耳山秦后村窑底村浪底村河庄白楊
山 九甲沙沱村進仁村灰山趙家庄 十甲小寨村
張家村刁山王坡村趙古村刁灘后院村楊坡

北四里一甲潤口村 二甲凌上村 三四甲班村
五六七甲南村 八九十甲任村

北五里一甲羊胡村 二甲楊家村 三甲關家圪塔

四甲石渠村 五六甲東關 七甲沙窩 八甲南關

九甲閔底河 十甲金斗河

衛里一甲熊營 二甲果園 三甲張家庄峪東蘇庄

四甲秦寨 五甲後營壘草灘劉家庄

集市

城內 東關 西關 千秋鎮 英豪鎮 白阜鎮

坡頭鎮 藕池鎮 楊村 石泉 坻塢 任村

山川

熊耳山 水在縣北 熊耳山 雙峰 光武 破

耳此自別山不與禹貢導洛自熊耳同也昔漢光武破
赤眉樊崇積甲仗與熊耳平即是山也山際有池世謂
之澠池 河圖括地象熊耳山地門也其精上為辟附
耳星 按熊耳山在治西南二十五里為澠陝之界東
有寺曰景德唐武后時建西有寺曰空相魏達摩禪師
葬此有藏經樓兩山之間有冷泉聖母廟

土嶠山 水經注穀水迳秦趙二城南又東迳土嶠北

府志秦趙二城在今澠池縣西道元謂迳二城南東迳
土嶠北則今澠池南山實土嶠山也楊升菴謂土塚即

土嶠是土壕鎮東至涇池縣城南皆土嶠矣土嶠又在
三嶠外

龍山 治西二十五里橫嶺迴嶂蜿蜒十數里故以龍名
上有龍山觀

廣陽山 舊志治西二十里澗水出于此 按府志謂廣
陽在韶山之東舊志誤載縣西蓋以治東北白石山為
廣陽山也白石山亦名廣陽山澗水所出詳白石山註
羊頂山 治西四十里俗傳頂有神羊故名

馬頭山 水經注山海經傳山之西有封焉曰番陽製水

馬頭山 水經注山海經傳山之西有林焉曰墉塲壘水

出焉今穀水出於峭東馬頭山 魏書地形志澠池郡

領北澠池縣有馬頭山 府志馬頭山在澠池西南界

上丰屬陝州入澠池為羅鼓山又北為鹿台山又北為

菴子山又東北轉為小口門大口門山連峰十餘乃為

澠池北韶山但自菴子山以上不見于書邑志亦不詳

實皆馬頭山之連峰耳其大小口門山當為羊耳山

生耳山 魏書地形志北澠池縣有生耳山 按生耳山

近無此名府志謂當為羊耳山 魏書生羊字偶譌緣治

西有羊耳河出西北山澗中山有小口門大口門山雙峰狀似羊耳遂以大小口門山為羊耳山茲仍存生耳之名以備考

鑼鼓山 治西四十里約高二里上多大石石文青鑼鼓形故名昔人有詩云午後履南峰存神穆以寧不見青山面但聞鑼鼓聲

鹿招頭山 治西

桓王山 寰宇記桓王山在縣東北一百二十里李通

志桓王山在龜池縣北一百二十里以山頂有桓王廟故名

名 府志韶山北重巖遠此北陔大江...
下有南村關在澗池北百一十里 按桓王山在治北
百二十里亦曰鳳凰山

石門山 治北六十里山勢中斷兩崖對峙狀如石門即
小龍門又治東修真觀亦曰石門馬丹陽升仙處也一
在治東北澗水經石門中出

書山 治北九十里小龍門內

香爐山 治北九十里小龍門內石山高聳兩齋烟嵐燎
繞形似香爐故名

山加山 治北六十里高數千丈頂上孤峯突起因名曰

山加山

梁山 治北九十里

和山 治北四十里

藥武山 治北五十里

搏虎山 治北七十里

青山 治北百二十里峭壁插天綿亘數里上有青山聖

母廟

下
山
山
有
雷
公
廟
里
形
如
蓋
唐
各
在
壽
雨
牙
北
一
名
雷
公

山山有雲公廟

韶山 寰宇記澠池縣北有韶山左右兩峰狀如日月

李通志韶山有金烏玉兔二峰金置韶州蓋取諸此

按韶山在治北二十里金烏峰一名錐山玉兔峰一名

簸箕山

雲門山 名勝志澠池縣北有雲門山其寺曰雲門寺

府志韶山即雲門山名勝志列韶山僅列雲門山蓋別

韶山前峰為雲門耳

五朶山 在韶山西形如五道花秀出雲表

白石山 一統志山在灑池縣東北二十三里 按白石山

古通謂之廣陽山水經注廣陽川水出廣陽北山寰宇
記廣陽山在縣東北二十里亦名灑池山明史地理志
灑池東北有廣陽山亦名灑池山北溪水出焉考北溪
水即孔安國所謂澗水俗呼為白龍澗亦曰石河源出
治東北韶山東之白石山山多石故名白石府志謂灑
池無白石山而例廣陽山于韶山之東不知廣陽白石
原自一山惟今昔異名耳

名山志天壇

山在澗池縣東北十八里 按天壇山一名鳳凰山上
有元帝廟亦曰天壇觀

抱度山 治東北三十里山勢四圍若抱故名

龍虎山 治東北百四十里陽壺村北臨黃河山半有戲

石樓

岱媚山 寰宇記大媚山在縣東北百三十里有大媚洞

按岱媚即大媚山有菩薩臺仙人橋諸勝山西垣曲志

八景中岱媚晴嵐即此

蟠桃山 治東北四十里山有亞龍門洞

角鹿山 治東北

磨屋山 治東北

雁眉山 治東北

五鳳山 即老龍廟之南山五峰排列如五鳳故名

木蘭山 陟峻約高二里許相傳木蘭女從征曾至此山

山之東入新安界

碁盤山 嶺有山神廟俗呼為五虎廟

方山 治東北發源於韶山入新安界為卷列山
田山 名勢甚方山田山與在界也
卷一
三十一

田山 名勝志方山田山俱在涇池縣東北三十里以山

形四方及頂平可耕而名

摘星山 治東

洪山 治東五十里為韶山左翼起于坻塢之東為鴈眉
山又東為柿樹坡又東為臺子坡又東為洪山山北有
村曰洪陽以山名也突南折而東為鳳凰山

鳳凰山 府志關門山即鳳凰山二僻爭高斗聳相亂西

瞻雙阜右望如抵 新安志關門中通穀水水北為鳳

凰山在廣陽東南 按鳳凰山在治東五十里發脉于

洪山之南又名檀山有檀山寺通鉄門西寨

白鹿山 李通志白鹿山在澠池縣東四十里相傳獲白鹿于此故名

台山 治東五十里

隊山 治東五十餘里高約里許孤峰挺秀又名猪龍山
檀山 治東六十里上有檀山寺

蒿梨山 治東二十里高百餘丈山中蒿上結子如梨
穀山 寰宇記穀山在縣南八十步

雙鳳山 治東南四十里石泉鎮

桃山 治南二十五里南庄村北

佛嶺 治西北五十里

紅戎嶺 治北三十里高數百丈在方山韶山之間

箭河嶺 治東北五十里世傳秦王兵過射嶺

烟洞嶺 在峭店東即鳳凰山從洪山過峽處舊設墩台

于此故名

馬嶺 治東二十里世傳趙惠王牧馬于此

白廟嶺 治東南二十里岡阜蜿蜒袤數十里一名清涼

山上有馬風神廟

柏園嶺 治南二十五里南庄村西

上花崖 治西北五十里

馬頭崖 治東三十里崖下有延恩寺

天津崖 治東南五十里兩岸皆山中有石壁懸瀑飛空

仰視疑自天來壁均可容數百人下有潭大三畝許瀑
落激如雷鳴夜靜可聞十餘里

仙崖 石磴盤屈在治東二十五里上有觀音堂

黃河自陝州塔灣口入境至新安野豬鼻出境由西南曲

河自陝州蠟墓口入境至新安野豬鼻出境由西南曲
抱西北計長一百七十五里兩岸俱石山陡崖雖指但
謂東廷縣北亦大概言之耳

穀水 水經穀水出澠池南墻塚林穀陽谷注出嶠東馬
頭山穀陽谷東北流歷澠池川或謂之彭池 後漢郡
國志澠池穀水出 府志穀水東北流有鹿台山水東
流注之又東五里有塞子水東南流注之水出小口門
山穀水又東北逕俱利城南有後河水東流注之又西
五里有黃華水南流注之諸水酈注皆不載 按穀水

出嶠東馬頭山穀陽谷東流經七里站又東有西土河水南流注之至英豪鎮有海螺泉南流注之又東有穀水村村以水名也東逕曲禮村曰河南有牛峪溝水北流注之至西城角與澠水會府志所載乃澠水源非穀水源也

澠水 山海北山經天池之山其上無草木多文石有獸焉其狀如兔而鼠首以其背飛澠水出焉潛于其下其中多黃粟注河南澠池縣與此近戰國澠池之會是其

魚耳北阜北澠水入穀者曰澠水 按澠水出洛西

熊耳北阜北澗水入穀者即澗水 按澗水出治西二
十里廣陽山東流經北阪至後河有水南流注之至下
馬頭有塞子水歷俱利城西流注之又東至河西村有
黃華水南流注之又東至西城角與穀水會其下水經
通稱為穀水今俗通呼為澗河通志謂澗水源出馬頭
山悞

澗水 山海中山經白石之山惠水出于其陽南流注于
洛澗水出于其陰西北流注于穀 水經注白石之山
澗水出焉北流注于穀自下通謂之澗水為穀水之兼

稱焉故尚書曰伊洛瀍澗既入于河而無穀水之目是
名亦通稱矣 顏師古曰伊水出陸渾山洛水出冢頽
山瀍水出穀成山澗水出澗池山 禹貢集傳澗水出
宏農郡新安縣東南入于洛新安在今河南府新安澗
池之間今澗池縣東二十三里新安城是也城東北有
白石山即澗水所出 酈道元云世謂之廣陽山然則澗
水出今澗池至新安入洛也 按澗水出洛東北三十
里白石山一名白龍澗經謝灣李庄由石門中出至石

犬堯可 厚出山加山中有大石如伏虎狀北流至馬林

伏虎河 源出山加山中有大石如伏虎狀北流至西橋

富入河

中關河 源出韶山北流入河時隱時現亦名乾澗

小澗河 治北百里源出趙溝村西流迳小龍門入河

后澗河 治北坡頭鎮源出土嶺西流至灰山村入河

南澗河 自陳家溝發源迳石家庄東迳南塢溝又東入

宜陽界

下馬筵河 源出大池迳下馬筵會石溪東南流入南澗

河

金蟾河 治南二十五里由南庄村東遶村南合瑞源河
通入永寧界

景河 白阜南一里許有景河南流入永寧界

天池河 源出大池東過堡南又東至天池益以池水勢
始大又東二里許過天津崖東北有深谷蘆葦叢雜
跡罕到谷水澄澈光可見底東南流入天池河合流東
徑宜陽入洛

龍潭 治北四十里鑿山後有風雷雨三潭雨潭深碧遇

金陵澗

治北九十里出極王山下北流入河

羊耳河 舊志治西北舊城外為回谿下流 按羊耳河

源出嶺南石嶺歷城頭村至禮庄西楊村溝水注至城西角與鼓澗二水會

北夾流 水經注鼓水又東逕新安縣故城南北夾流而西接靖澗昔項羽西入秦坑降卒二十餘萬於此 府志搭泥鎮有二水一在鎮東一在鎮西相去三里水經注所謂北夾流也

千秋澗 寰宇記澗池縣千秋有水曰千秋澗

雍谷水 水經注穀水又東逕于雍谷谿回岫縈紆石路
阻峽亦有夾石之稱 府志雍谷水即頭峪溝水土音
之轉為耳

晉水 水經注晉水厯側左與北川水合有二源並導北
山東南流合成一水自乾注巽入于穀 府志晉水即
烟溝水北川水即義昌驛水

鑼鼓山泉 治西四十里鑼鼓山下東坡有泉深丈許澄
如白練俗謂白龍泉西坡有泉深八九尺其水深黑俗

謂黑虎泉

石門河 治西三十八里發源於鹿抬頭山初出滾滾似
蓮花瓣流半里南北雨崖危石峻起相對如門水從中
流故曰石門河

甘冽泉 治西三十八里發源堰根初出細碎如絲飲之
甘冽北流百餘步入石門河

泗溝河 治北源出馬底溝南流入穀

五里河 源出治北韶山南鳳凰山前南流入穀

醴泉 治東里許玉皇廟東溝有醴泉取以釀酒味極甘

美

馬蹄泉 寰宇記澠池縣有馬蹄泉在縣界

漸水 源出五鳳山即老廟溝之水南流至仁村東折由
洪陽檀山寺北入新安界中多石色紫可以為礧

北澗河 源出五鳳山下五龍潭自北而南入于南澗

岔水 自西北黑水渾溝及大水潭溝中道相交入北澗
河

磨河 源出磨屋山繞仁村之南入北澗河

清涼水 沿東五十五里有清涼橋水東南流入新安界

第五尊寬約半頃水深不可測四岸垂柳水清涼甚

第五潭寬約半頃水深不可測四岸雪花飛濺盛夏時亦寒氣襲人水南流入漸山下二里有橋曰顯龍側有潭水碧色以石擊之雲氣從中隱隱騰上嘉慶十四年八月知縣甘揚聲履其地見潭崖石平如削因篆書龍潭二字囑石工鐫之潭前有嘉靖年間石碑半埋土中

溫泉 治東二十五里源出平地嚴冬可浴俗謂之暖泉
又治北百二十里任村亦有暖泉

平泉 治東南三十里源出平地民藉灌溉東南流入洛峪口河 治東南源出杜村溝

石泉 治東南四十里泉出石穴凡八九處清澈甘美寒暑石竭

二虎潭 治東南四十里即石泉下流深不可測相傳內有玉床銅獸等物

寶泉 治南二十里昔人謂白石出寶故名

畛水 水經河水又與畛水合 按畛水源出馬頭崖北由劉庄麻溝入新安至匡口入河

澗池縣志卷二

建置

城池驛所

公署

倉場

演武亭

普濟堂

養濟院

舖舍

營房

津梁

坊表

城池

舊城周圍八里許始于西漢歷代廢置不一明成

化十一年知縣張訓重築正德嘉靖間知縣王鑰陳綬

安璋相繼修葺洛陽翟珊作碑記崇禎十年流寇兩陷

焚毀署縣事靈寶訓導袁登甲據儒學生員李成龍等

呈以澗城南瀕澗河一遇泛漲即為衝損久無完堵兼

之城濶人寡艱守維艱申文截去西城一半僅存三分

之一崇禎十二年知縣牛藩完城浚壕磚包北面東西

二門各建樓

國朝順治三年知縣潘圻七年知縣孟國英十一年知縣
張環相繼修理康熙七年知縣鄧琪棻十二年知縣邵
朝聘十五年知縣陳愚雍正十年知縣文昭乾隆十年
知縣梁易簡二十七年知縣周燠五十八年知縣盧蔭
惠嘉慶二年知縣劉逢堯相繼重修現在完密鞏固周
圍三里零一百二十八步內四面俱土城外東北二面
並西北半面係磚城高二丈厚六尺共長二里零十步

南面半面係土城高三丈八尺長一里零十步
西面半面係土城高三丈八尺長一里零十步
東面半面係土城高三丈八尺長一里零十步

一里零十八步其城口一千二百零八個每垛高五尺
東門曰賓陽西門曰重關東城樓曰控函西城樓曰鎮
靖四面皆有池東西池上各有石橋一道

縣署 舊縣署燬于寇遺址築為西城明崇禎十一年知
縣牛藩以東布政行台改為縣署正廳五楹東西二楹
為庫後廳幕廳東西房科儀門戒石坊東西角門寅賓
館土地祠獄舍譙樓俱備十五年流寇又陷焚燬幾半
署縣事洛陽縣主簿潘汝悠補建正堂五楹東三房架

閣庫

國朝順治三年知縣潘沂建馬廐七年知縣孟國英建西
三房承發司修戒石坊土地祠宅舍備修康熙三十七
年知縣劉孚嘉修六房料補葺二堂堂左建客廳署後
建見山樓一座高三層嘉慶十三年知縣甘揚聲捐資
建敬義堂于內宅正廳之東凡五楹又增築旁舍七楹
又于大堂東建厨房五楹又修土地祠樂樓後建房三
楹敬義堂有箴樂樓有記

學署 康熙初移建文昌祠左後堂宅不甚寬嘉慶四年

廡嘉慶十三年教諭張翰儀建瑞梧堂三楹

巡檢衙署 治北百二十里桓王山北有土城廣里許金人據北方設司分治建官署于土城中元置南村巡檢司遂為巡檢署崇禎十五年流寇赫燬

國朝順治七年巡檢李聯芳創補堂宅具備東有土地祠三楹乾隆四十六年巡檢顧希元增修嘉慶十五年巡檢沈守純復為葺理稱完固焉

典史衙署 舊署燬于寇明崇禎末知縣牛藩以新縣署西廳為典史公廨

國朝歷任修補乾隆十一年知縣梁易簡增修嘉慶十五年典史繆開祚重修增建後院五間東廂三間監獄在典史署內原有獄神廟一間監房八間嘉慶十四年知縣甘揚聲捐廉重修增建監房三間共監房十一間內分九間為男監二間為女監

城守營署 未建

陰陽學 寇燬未建

醫學 寇燬未建

道會司 寇燬未建

察院行署 康熙四年知縣王世英建為往來差使公館
大堂內宅東西廂房官廳頭二門廚房夫馬房吹鼓亭
俱備共計房屋三十五間

倉場

預備倉舊治內東西各十間會計亭三間今廢
社倉一所舊在治內今廢

常平倉在治內東北隅順治十三年知縣張環建六間
康熙三十二年知縣劉孚嘉增建二十間共二十六間

治平縣志 卷二
四
新建倉在常平倉西康熙四十四年知縣葛永成建共
三十五間今僅存十八間

西新建倉四十二間在縣署見山樓後康熙四十四年
知縣葛永成建今半已倒塌

新新建倉三十五間在治內西北城隍廟後雍正十三
年知縣文昭建倒塌無存遺址改建八蜡祠

勸捐社倉六處共十六間內縣前六間在城隍廟大殿
後西英豪二間白阜二間俱在英豪鎮西南千秋二間

後西英豪二間白阜二間俱在英豪鎮西南千秋二間

城隍廟前自乾隆五十一年社穀歸入常平倉各處社倉俱倒塌僅存基地而已

演武亭 燬于寇遺址即東城門外南教場地南北長七十八步三尺東西闊二十步計地六畝五分五厘現為里民任嵐耕種城守營收租課

普濟堂 西門外路北房屋二十九間雍正十三年知縣

文昭倡率閭邑士民捐建嘉慶十三年知縣甘揚聲捐貲重修有地二頃一十一畝九分八厘九毫

內唐捐地

十二畝 除荒地三十畝現種成熟地一頃八十一畝九分

八厘九毫歲收麥課十石零六斗八升谷課十三石八斗八升

養濟院

向于城西南隅鑿土窰數處安置孤貧按月給

糧雍正八年知縣文昭移建西門外路北有房七間

驛所

蠡城驛在縣署東建有馬王廟三楹差房三楹前後過廳各三楹舞樓三楹大門一楹書房廚房草房馬棚共十餘楹額設驛馬四十八匹塘馬二匹濬縣撥增槽

名探馬夫一名馬牌子一名

義昌驛在治東四十里義昌鎮建有馬王廟三楹差房
三楹捲棚舞樓各三楹大門一楹草房廚房共十餘楹
額設驛馬四十七匹塘馬二匹滑縣撥增馬六匹驛馬
夫二十二名塘馬夫二名遞送公文夫一名探馬夫一
名馬牌子一名驛夫一名

縣前所夫三十六名外奉文留四名二十四名

義昌所夫三十六名外奉文留四夫二十四名

兩驛兩所歲支工食草料銀四千一百七十四兩五錢

五分遇閏加增在地丁項下動支

洛陽縣每年撥協兩驛驛站銀二十一兩二十七兩三錢五分而在洛陽閏取今在地丁動支

連撥協歲共支銀六千三百一兩九錢遇閏支銀六千七百九十兩零九錢九分

鋪舍

額設鋪司兵四十六名每年支工食銀二百六十四兩

乾隆戊午年定

東十里搭渡舖三十五里千秋舖三十里和村舖四十里義昌舖五十里峭店舖以東通新安

西十里新埠舖二十里涎子舖三十里土壕舖以西通

陝州

營房

額設馬守兵丁五十名內分馬兵九名守兵四十名
識一名每年共閏月糧銀九百五十四兩二錢二分六厘

東十里舖二十里舖四十里舖營房各一座西十里舖

二十里鋪營房各一座共營房五處每處房屋十五間
官廳三間墩台一烟筒五牌坊一又治西南白阜鎮治
北陽壺村營房各一座每處房屋九間官廳三間墩台
一烟筒五牌坊一乾隆五年知縣張維賢奉文建嘉慶
十四年知縣甘揚聲重修

津梁

第一橋 治東一里乾隆十六年李士林倡建

雙濟橋 治東四十里知縣琪茶建

雙津橋 治西門外設通文會處

迎恩橋

治東乾隆九年里民重建

雙度橋

治北二十里天壇村嘉慶十四年邑人李培基

捐修

雙龍橋

高一丈五尺寬丈許長三丈許藕池英豪二鎮

要道

駐節橋

治東

南庄村橋

邑人李中魁彭崇祥捐修

下馬筵石橋

治東南四十里長二十餘丈寬一丈五尺

高五丈邑拔貢紹興郡守席椿捐修名曰維志橋

頭峪溝橋 治東三十二里方伯趙公命建明季邑庠方

鼎彝楊新春等修乾隆十五年邑貢生方政通平如準

等重修嘉慶八年山水大漲橋石傾圮無存十三年知

縣甘揚聲倡捐修復易名萬壽橋有紀

觀音橋 治東十里

圓滿橋 治西二十四里英豪鎮西

來紫橋 治西二十五里英豪鎮東

顯龍橋 治東北五十里

淄川縣志 卷二 橋梁 頭峪溝橋 治東三十二里 方伯趙公命建 明季邑庠方鼎彝楊新春等修 乾隆十五年 邑貢生方政通平如準等重修 嘉慶八年 山水大漲 橋石傾圮 無存 十三年知縣甘揚聲倡捐修復 易名萬壽橋 有紀

利津渡 治北百二十里即濟民渡

坊表

騰蛟坊 學內今廢

起鳳坊 學內今廢

興賢坊 學內今廢

通衢坊 乾隆壬子郡中張松孫建而東題曰東都西鋪

而西題曰控蜀通秦

義昌坊 治東義昌鎮為漢三老董公立

正學坊 治內為曹月川立

方伯廉憲坊 山東左布政戴珙立

三世登科坊 舉人戴鑾立

兄弟聯芳坊 戴珙戴技立

天朝耳目坊 禮科給事中錢勉立

宗藩右相坊 韓府長史范謙立

折桂坊 舉人戴振立

冬官坊 工部主事陳善立

韶山起鳳坊 舉人張月化立

上林苑坊 戶部郎中張守和立

擢秀坊 舉人張俊立

雲程坊 舉人趙從立

繡衣坊 浙江道御史李權立

鴻臚坊 少卿趙銓立

恩榮坊 舉人潘中矩立

西台名直坊 山西道御史戴梗立

龍門躍鯉坊 舉人張鈿立

進士坊 上官捷科立

進士坊 閔政善立

中州正氣坊 范居義妻節婦李氏立

三世貞節坊 庠生張登仕妻楊氏立

盛世人瑞坊 徐瑤一百三歲立

盛世人瑞坊 張瀚如一百四歲立

烈孝坊 生員張邦才妻烈婦左氏立

貞節坊 邑民李一實妻姚氏立

節孝坊 生員劉躍如妻茹氏立

貞孝坊

貢生鄒中選妻王氏立

節孝坊

馬登雲妻柳氏立

節孝坊

董體善妻席氏立

節孝坊

劉元臣妻楊氏立

節孝坊

邵化南妻王氏立

節孝坊

舉人王豫吉妻張氏立

節孝坊

席瑄妻韓氏立

節孝坊

席琦妻李氏立

節孝坊

席功先妻張氏立

學校書院附

儒學舊在治南宋末燬于兵明洪武五年知縣王熙陽重建天順成化間知縣王賓張重嘉靖二年知縣陳綬相繼修葺崇禎十年流寇焚燬僅存大殿五楹旋因截去西城學遂在新城西門外

國朝順治三年知縣潘沂命貢生韓養元生員李成龍等募貲移建治東南隅地勢湫隘十五年知縣張環移建治東北隅未竣工康熙七年知縣鄧琪棻改建治西規

則各各在五年知縣王成興文翰為無用曾修乾隆

縣甘揚聲捐廉三百兩重修

大成殿五楹東廡九楹西廡九楹前為戟門戟門前為櫺
星門繞以紅墻墻兩傍門曰聖域賢關

正殿祀

至聖先師孔子

四配

復聖顏子

述聖子思子 東旁西向

宗聖曾子

亞聖孟子 西旁東向

十二哲

閔子損

冉子雍

端木子賜

仲子由

卜子商

有子若次東西向

冉子耕

宰子予

冉子求

言子偃

顓孫子師

朱子熹次西東向

兩廡先賢先儒位次照續通志乾隆十八年部頒依史

傳按年序次式

東廡六十一位

商瞿

漆雕開

司馬耕

梁鱣

冉儒

伯虔

冉季

漆雕多

公西赤

任不齊

公良孺

公肩定

鄒單

罕父黑

榮旃

左人郟

鄭國

原亢

庶潔

叔仲會

公西輿如

邾吳

陳亢

琴張

步叔乘

秦非

顏噲

顏何

縣亶

樂正克

萬章

周敦頤

程顥

邵雍以上先賢

公羊高

伏勝

董仲舒

后蒼

杜子春

諸葛亮

王通

范仲淹

歐陽修

楊時

羅從彥

李個

呂祖謙

蔡沈

陳淳

魏了翁

王栢

趙復

許謙

吳澄

胡居仁

王守仁

羅欽順以上先儒

西廡六十一位

林放

宓不齊

公冶長

公皙哀

高柴

樊須

商澤

巫

曹邨 公孫龍

顏高 壤駟赤 石作蜀 公夏首

后處 奚容箴 顏祖 句井疆

秦祖 縣成 公祖句茲 燕伋

樂欬 狄黑 孔忠 公西箴

顏之僕 施之常 申棖 左邱明

秦冉 牧皮 公都子 公孫丑

張載 程顥 以上先賢

穀梁赤 高堂生 孔安國 毛萇

鄭康成 范甯 韓愈 胡瑗

司馬光 尹燊 胡安國 張栻

陸九淵 黃幹 真德秀 何基

陳澥 全履詳 許衡 薛瑄

陳猷章 蔡清 陸龍其 以上先儒

崇聖宮三楹在明倫堂後舊尊經閣改建祀

肇聖王木金父公正中南向

裕聖王祈父公東一室南向

治聖王防叔公西山室南向

昌聖王伯夏公東二室南向

啟聖王叔梁公西二室南向

配位

先賢顏氏無繇

先賢孔氏鯉

先賢曾氏點

先賢孟氏激

東廡三人

先儒周氏輔成

先儒程氏珦

先儒蔡氏元定

西廡二人

先儒張氏迪

先儒朱氏松

禮記集說卷之二十五
十一
祀事陳設 雍正三年 頒定

正位禮神帛一白色白磁爵三牛一羊一豕一豉一實以
太羹鉶二實以和羹簋二實以黍稷簋二實以稻粱籩
十實以形鹽藁魚鹿脯東栗榛菱芡黑餅白餅豆十實
以韭菹菁菹芹菹笋菹醢醢鹿醢兔醢魚醢脾胘胎
酒罇一

四配位每位禮神帛一白磁爵三羊一豕一鉶一實以

和羹簋二實以黍稷簋二實以稻粱籩八實以形鹽藁

魚醢脯藁栗榛菱芡豆八實以韭菹菁菹芹菹笋菹醢

醢鹿盞兔醢魚醢酒樽一

十二哲東六位六案每案帛一白磁爵三灰一釧一寶以和羹簋一寶以黍簋一寶以稻籩四寶以形鹽棗栗藁魚豆四寶以韭菹菁菹醢醢鹿脯豕首一西六位同東廡帛一銅爵各一灰三每案簋一簋一籩四豆四寶同上西廡同

崇聖宮正位五案每位帛一白磁爵三羊一豕一釧一簋二籩二籩八豆八寶同上酒樽一

配位每位一案帛一豕首一每位銅爵三簋一籩一籩

四豆四寶同上豕肉一

兩廡帛二每位銅爵三簋一簋一籩一簋四豆四寶同上豕

肉一

樂器

麾 金鐘 玉磬 鼓 搏拊 祝 敔 琴 瑟

排簫 笙 簫 笛 塤 箎

舞器

節 羽 籥 干 戚

樂章 乾隆八年頒定

春季夾鐘為宮應鐘起調秋季南呂為宮仲呂起調

迎神樂咸平之章 無舞

大哉

孔子先覺先知與天地參萬世之師徵祥麟級韻答金絲
日月既揭乾坤清夷

初獻樂寧平之章 有舞

予懷明德玉振金聲生民未有展也大成俎豆千古春秋
上丁清酒既載其香始升

亞獻樂安平之章 有舞

式禮莫愆升堂再獻響協鼓鏞誠浮壘獻肅肅蒞雍舉髦
彥禮陶樂淑相觀而善

終獻樂景平之章有舞

自古在昔先民有作皮弁祭菜於論思樂惟

天牖民惟

聖時若彝倫攸叙至今本鐸

徹饌樂咸平之章無舞

先師有言祭則受福四海黷宮疇敢不肅禮成告徹毋疏
毋瀆樂所自生中原有菽

送神樂咸平之章 無舞

鳧繹峩峩洙泗洋洋景行行止流澤無疆聿昭祀事祀事
孔明化我蒸民育我膠庠

望瘞樂祥平之章

同送神 無舞

侑生三十六名 樂生三十六名

明倫堂五楹

崇德齋 舊建明倫堂左今廢

達道齋 舊建明倫堂右今廢

尊經閣 圮嘉慶四年教諭柴恂改建崇聖宮

通也系志 學校

文昌閣

舊建東城移建學署西改閣曰祠凡三楹嘉慶十三年教諭張翰儀重修

聚魁樓 舊建東城今廢

更衣亭三楹

舊志學校內載增建更衣亭于櫺星門左

廟祀內載鄧公書院注云公生祠建于黌宮之側改名書院嘉慶十三年知縣甘揚聲修理殿宇見櫺星門左有屋三楹中置鄧公主位因思此地不宜立公專祠將

主位請入名宦祠內改其屋為更衣亭而重新之今考

舊志乃知卽舊更衣亭處也

庠門一楹

名宦祠三楹 戟門左祀成侯董公周澤賈_逵鄧殿魏舒
陸瓌桑懌徐無黨种世衡謝良佐蘇轍張直吳盛吳友
信胡復王賓王世安何銘王鑰李夢熊王之都牛藩王
熙陽何聰湯自新鄭栗劉紀黃勳圖汪燾南張九徵潘
沂孟國英張璟張琦劉廷禔王世英鄧琪荅劉孚嘉葛
永成金竒玉王箴輿文昭周堦

鄉賢祠三楹 戟門右祀周黨楊彬張世雄賴俊曹端戴
振張俊李瓏戴珙張守和張朝欽戴梗張鈿王整蘇孝

上官提科閔政善范怡張信氏楊翼國玉俊王來齊趙
良棟趙德易尹令董謙吉

忠義祠三楹

明倫堂西祀張圮張世雄賴用姚宣李友

李貴純張有聲劉廷甫馮奮庸劉謙

節孝祠三楹

紅牆外西祀劉韓氏楊鄭氏席韓氏秦樊

氏馬柳氏秦范氏許董氏劉茹氏陳姚氏邵王氏王張

氏席張氏趙侯氏許鄒氏席李氏韓席氏張王氏董范

氏張王氏張陳氏韓方氏楊王氏王樊氏閔張氏高張

氏香姐鄒王氏

又學額數

廩生二十名增生二十名每歲科試額文章入學八名
歲試武童亦如之

學租

義昌地二頃五十八畝 甕峪地十五畝

孟嶺地三畝 天壇地十四畝

土嶺地四十畝 井村地八十畝

平泉地二十畝 三九溝地三十五畝

人馬庄地四畝 焦底地七十畝

秦村地三十五畝

張村地八畝

曲禮地九畝

黃花川地三十畝

以上共地六頃二十一畝外英豪南崩地一段東城濠地一圖黑掌山地一段俱不計畝數 查學田多屬硤确瘠下租裸無幾而糧額頗重嘉慶十三十四等年糧銀俱邑令代納後之官斯土者祈斟酌行之

鄧公書院 即鄧公祠儒學內更衣亭改建今復改為更

衣亭

文中書院

續府志雍正二年知縣劉湘王箴與先後庇

治落成郡守張漢署曰文中書院 按文中書院即舊
察院之後廳今則通為韶山書院矣

義學 舊志即舊察院署乾隆十年知縣梁易簡改設

按通志載義學在節孝祠內查舊節孝祠即舊察院之
前廳乾隆二十二年知縣蔣廷鏞改建節孝祠于巽宮
之西遂以舊祠為義學即今韶山書院至現存察院行
署係知縣王世英建非改設義學之察院也

韶山書院 即舊義學及文中書院原有地荒熟共三頃
館穀之費不敷有名無實相沿已久房屋漸就傾圮嘉

慶十三年知縣甘揚聲捐廉二百兩就鹽當商權子母
並陸續增置地畝以資膏火十五年捐廉二百兩修補
房屋現計

房屋二十四間

屋後空地一圖南頭寬二丈八尺北頭寬三丈三尺中
長八丈

夕陽坡前溝地一段內現種熟地八十畝未開荒地約
七十畝係舊地

夕陽坡北坡地一段內現種熟地一項未開荒地約五

十畝係舊地

蘭溝村地一段計四十一畝園三圖王蘭芳捐楊村地兩

段計三十一畝孟村西嶺頭地一段計十二畝葦

園坡地二段計十四畝土門地一段不計畝數

以上共麥棵八石五斗九升谷棵二十二石五斗九升

義昌書院 乾隆二十六年知縣李本楨就義昌元帝廟

開設書院撥官地十七畝供膏火地在本鎮西大路南

生童卷價及縣考桌檯

嘉慶十五年知縣甘揚聲損錢六百千備文試生童卷

價其錢交鹽當按月一分二厘生息三年連閏得息錢
二百六十六千零查文生鄉試每人卷價錢三百五十
文每科約七十人需錢二十四千五百童生縣府院三
試每人需卷價錢一百五十文每考約七百人歲科兩
試需錢二百一十千三年生童卷價約共二百三十四
千零除外餘錢三十二千零備

恩科鄉試之用自嘉慶十六年正月初一日為始統三年

銷算如有贏餘即分給各廩生其錢歸禮房催繳縣署

縣試于場前一日交裱糊匠收領府院二試于取齊文

到三日內備文送儒學帶府按名散給鄉試于屆年七月二十日發禮房經承送省按名散給外給禮房盤費錢二千又捐銀三百兩交紳士宋士彬鄒魯儒邵嗣召三人置童生縣試桌橈各一百八十件桌面寬一尺三寸長六尺厚一寸五分橈寬六寸長六尺厚一寸五分每桌橈坐四人計坐七百二十人現無考棚桌橈存署內入于後任交代將來應試人數日增卷價桌橈須廓充添補或創建考棚是則繼事者之責也